

„კადროვაცია“ როგორც განაჩენი

ირინა გურგენაშვილი¹

უკრაინაში ომის დაწყებამდე რამდენიმე კვირით ადრე, ჩეჩნური სამთავრობო დანაყოფები - „კადროვები“² ავრცელებდნენ სხვადასხვა ფოტო და ვიდეო მასალებს, რომელიც მათ მიერ ვითომდა უკრაინის საზღვრების გადალახვის ფაქტს ასახავდა. ჩეჩნეთიდან მომავალი ეს გზავნილები იყო რუსეთის ირიბი განაცხადი იმისა, რომ პუტინის რუსეთი უკრაინის მთელ ტერიტორიაზე ცხელ კონფლიქტს გეგმავდა. 2022 წლის 25 თებერვალს, რუსეთის მიერ უკრაინაში ომის დაწყებიდან მეორე დღეს, ჩეჩნეთის რესპუბლიკის პრეზიდენტის მოვალეობის შემსრულებელმა რამზან კადროვმა, დედაქალაქ გროზნოს ცენტრში, ჩეჩნეთის სამთავრობო ძალები შეკრიბა და „მსოფლიოს აუწყა“, რომ ჩეჩენი დანაყოფები მზად იყვნენ შეესრულებინათ ვლადიმერ პუტინის ნებისმიერი [დავალება](#).

2022 წლის 13 მარტს კი, ჩეჩნურმა პროსახელისუფლებო მედიამ გამოაქვეყნა [ვიდეო](#), სადაც ჩეჩნეთის პრეზიდენტი რამზან კადროვი თავის ჯარისკაცებთან ერთად უკრაინაზე შეტევის ტაქტიკას განიხილავს. ვიდეო მიმართვისას, ის ჩეჩნეთის დროშაზე მამის - ახმად კადროვის გამოსახულებით გამოჩნდა, რითიც, სავარაუდოდ, ხაზი გაუსვა, რომ მოკლული ყოფილი პრეზიდენტის „ტრადიციის“ გამგრძელებელია და ებრძვის რუსეთის მტრებს, ამავედროულად, წარმოაჩინა, რომ კადროვების ოჯახი და მათი „ხატი“ ჩეჩნეთისთვის ისეთივე სახელმწიფოებრივ სიმბოლიკას წარმოადგენს, როგორც მაგალითად დროშა ან გერბი. ამავე ვიდეოში, კადროვი ირწმუნება, რომ უკრაინის დედაქალაქ კიევიდან 7 კილომეტრში იმყოფებიან და მასზე შეტევისთვის ემზადებიან. ნამდვილად იყო თუ არა კადროვი უკრაინის ტერიტორიაზე ოფიციალურად დღემდე არ დადასტურებულა. ისიც არ არის

¹ კვლევითი ინსტიტუტის Gnomon Wise-ის („გნომონ ვაიზი“) მკვლევარი, e-mail: i.gurgenashvili@ug.edu.ge

²კადროვები - ჩეჩნური სახელისუფლებო დანაყოფები (დაახლოებით 20 ათასი კაცი), რომელიც ემორჩილება რამზან კადროვს.

კადროვების გარდა, უკრაინაში იბრძვიან ჩეჩენი მებრძოლები, რომლებიც ყირიმის ანექსიიდან მოყოლებული, უკრაინის მხარდამხარ, მის დასაცავად და საუკუნოვანი მტრის - რუსეთის წინააღმდეგ იბრძვიან. ვგულისხმობთ, მაგალითად, შეის მანსურის და ჯოხარ დუდაევის ბატალიონებიც, რომელთა შეხედულებითაც: „...წარმოუდგენელია, რომ ჩეჩნები, რომელთაც რამდენიმე გენოციდი განიცადეს რუსეთისგან, დღეს რუსეთის მხარეს [იყვნენ](#)“.

Foreign Affairs. 2017. The Chechens in Syria - The Meaning of their Internal Struggle. Via URL: <https://www.foreignaffairs.com/articles/syria/2017-09-07/chechens-syria> (29. 03. 2022).

დადასტურებული სულ რამდენი მეომარი გაგზავნა კადიროვმა უკრაინაში, თუმცა სავარაუდოა, რომ განსხვავებული დათვლით, უკრაინაში რამდენიმე ათასი „კადიროვცი“ იბრძვის. ასევე ხაზგასასმელია, რომ ჩეჩნეთის ხელისუფლება, უკრაინაში დაღუპულ ჩეჩენ მებრძოლთა ოჯახებს პირდაპირ დაკრძალვაზე, კამერების წინ უხდის მილიონ რუბლ კომპენსაციას.³

ბრძოლის ველზე არ ჩანს, მაგრამ სოციალური ქსელებში ნამდვილად აქტიურია რამზან კადიროვი. მან ამერიკელ ბიზნესმენს, კომპანია SpaceX-ის დამფუძნებელ ილონ მასკს [მიმართა](#) და უთხრა, რომ არ ურჩევდა მისი პრეზიდენტის, ვლადიმერ პუტინის გამოწვევას. მან, ასევე, [მიმართა](#) პრეზიდენტ ზელენსკისაც და „ურჩია“ დანებება: „მოგმართავთ არა როგორც პრეზიდენტს, ვინაიდან პრეზიდენტი, როგორც ასეთი, უკრაინისთვის დღემდე არის ვიქტორ იანუკოვიჩი. აი, მას, ლეგიტიმურ პრეზიდენტს გადაეცით [ძალაუფლება] და მიენდეთ იღბალს“.

ამკარაა რამზან კადიროვი ყველაფერს აკეთებს, რომ ერთი მხრივ, ვლადიმერ პუტინს დაუმტკიცოს ერთგულება, ხოლო მეორე მხრივ, უკრაინელებს და დანარჩენ მსოფლიოს ცალსახა შეტყობინება გაუგზავნოს, რომ ჩეჩნეთის რესპუბლიკა რუსეთის მხარდამხარ იბრძვის უკრაინელების წინააღმდეგ, იბრძვის ისევე, როგორც იბრძოდა ყირიმის ანექსიის დროს. ნათელია ისიც, რომ მისთვის პუტინის კეთილგანწყობა ნომერ პირველი პრიორიტეტია - ის პასუხობს ყველას, ვინც პუტინის მტრად მიაჩნია და ამავედროულად, საჯაროდ ესაუბრება თავად „ძალაუფლების წყაროსაც“, მაგალითად პუტინს სთხოვდა კიევზე შეტევის [უფლებას](#) - „ზედმეტი ცერემონიების გარეშე, ნაცისტების და ტერორისტების გასანადგურებლად და ქალაქების გასათავისუფლებლად“.

რამზან კადიროვმა ვლადიმერ პუტინის მიმართ „გულმოდგინე ერთგულება ამ ომის გარეშეც არაერთგზის დაამტკიცა. კადიროვი არის ლიდერი ქვეყნისა, რომელსაც არც მისი და არც მამის - ახმად კადიროვის მმართველობის დროს, არ ჰქონია დამოუკიდებლობა, არათუ არ ჰქონია, ამისთვის არც კი უბრძოლია. ჩეჩნების ბრძოლას დამოუკიდებლობისთვის

³რადიო თავისუფლება. 2022. „კადიროვცი“ და „სხვა ჩეჩნები“ პუტინის ომში. იხ. <https://www.radiotavisupleba.ge/a/31746799.html> (24. 03. 2022).

ხანგრძლივი ისტორია აქვს, მაგრამ სწორედ კადიროვების მმართველობის ქვეშ გაიფორმა რუსეთმა ჩეჩნეთი, როგორც რუსულ ოკრუგში შემავალი ტერიტორიული ერთეული და ნებისმიერი თავისუფლებისადმი მიდრეკილი ქმედება ჩანასახშივე ჩაახშო. საბჭოთა კავშირის დაშლის შემდგომ 2009 წლამდე ორი ომი აწარმოა რუსეთმა ჩეჩნეთის წინააღმდეგ და ორივე მათგანში უზარმაზარი იყო ჩეჩნური მსხვერპლი, ჩეჩნეთმა დაკარგა სახელმწიფოებრიობა, დამოუკიდებლობა და კადიროვების ხელში რუსული დავალებების შემსრულებელ სპეციალურ ზონად გადაიქცა. მამაზე უფრო გულმოდგინეა რამზან კადიროვი, მისი იმ პირისადმი ერთგულება, რომელმაც მის ქვეყანას დამოუკიდებლობა და განვითარების შესაძლებლობა წაართვა, თითქმის ყველაფერში გამოიხატება, ის ასრულებს რუსულ სპეციალურ დავალებებს და ამავედროულად, ვიზუალურადაც კი ცდილობს მმართველზე მიუთითოს - საზოგადოებაში წარდგება პუტინის [გამოსახულებიანი](#) მაისურებით⁴, ასევე, ქუდებით რომელსაც რუსეთი აწერია. პროკრემლისტურ მედია Известия-სთვის მიცემულ ინტერვიუში კადიროვმა მიმართა ვლადიმერ პუტინის ოპონენტებს და ფსიქიატრიულსკენ მიუთითა, ნიშნად იმისა, რომ პუტინის ყველა „გამომწვევს“ ფსიქოლოგიური პრობლემები აქვს.

აღსანიშნავია ისიც, რომ ბევრი რუსისთვის და არა მხოლოდ პუტინის ოპოზიციაში მყოფი რუსებისთვის, კადიროვის მიმართები და მოქმედება მიუღებელია, მაგალითისთვის, 2016 წელს ელა პანფილოვამ, იმ დროისათვის ადამიანის უფლებების ომბუდსმენმა კრემლში და დღეს რუსეთის ცენტრალური საარჩევნო კომისიის დირექტორმა, განაცხადა რომ კადიროვის განცხადებები აშკარად შეიცავს ექსტრემიზმის ნიშნებს. ლევადას ანალიტიკური ცენტრის (Yuri Levada Analytical Center (Levada-Center)) 2016 წლის გამოკითხვით, რუსეთის მოქალაქეთა 60% ფიქრობდა, რომ კადიროვის საჯარო განცხადებები და მუქარები მიუღებელია.⁵ ზოგიერთი რუსი პოლიტიკოსი კი კადიროვს „რუსეთის სირცხვილს“

⁴ The Economist. 2022. Who is Ramzan Kadyrov, the brutal Chechen leader claiming to be in Ukraine? Via URL: <https://www.economist.com/the-economist-explains/2022/03/16/who-is-ramzan-kadyrov-the-brutal-chechen-leader-claiming-to-be-in-ukraine> (26.03.2022).

⁵ Yuri Levada Analytical Center. 2016. Kadyrov and “Enemies of the people. Via URL: <https://www.levada.ru/en/2016/04/05/kadyrov-and-enemies-of-the-people/>.

უწოდებს.⁶ მას სხვა სახელებიც მრავლად აქვს: ზოგისთვის ის „სისხლიანი ჩეჩენია“⁷, ზოგისთვის „პუტინზე უფრო პუტინი“⁸, ზოგჯერ „პუტინის ჩეჩენი შემსრულებელი“⁹, ხანაც „პუტინის ჯიბის პრეზიდენტი“¹⁰.

პუტინის ჩეჩენი შემსრულებელი კადროვს მას შემდეგ უწოდეს, რაც ეჭვი გაჩნდა, რომ 2015 წელს მოკლული რუსი ოპოზიციური ლიდერის, ბორის ნემცოვის, მკვლეელი ზაურ დადაევი კადროვის მიერ კონტროლირებული ბატალიონის ყოფილი წევრი, უფროსის მოადგილე იყო.¹¹ ნიშანდობლივია ისიც, რომ ნემცოვის მკვლელობის შემდგომ, კადროვმა დადაევს რუსეთის დიდი პატრიოტი უწოდა. ეჭვს აძლიერებდა ისიც, რომ ბორის ნემცოვის მკვლელობიდან რამდენიმე დღეში, კრემლმა კადროვი „წარმატებული და აქტიური სამოქალაქო საქმიანობისთვის“ ღირსების ორდენით დააჯილდოვა.¹² აქვე უნდა ვთქვათ, რომ რუსი რეპორტიორის, ვლადიმერ პუტინის დიდი კრიტიკოსის, ანა პოლიტკოვსკაიას მკვლელობის შემდგომ, მკვლეელი დიდხანს ცხოვრობდა ჩეჩნეთში, კადროვის მახლობლად და ერთი მოსაზრებით, კადროვი მფარველობდა კიდევ მას. ეს ამბავი „ბედის ირონიადაც“ კი შეფასდა, რადგან პოლიტკოვსკაიას კრიტიკა პუტინის მიმართ, ჩეჩნეთში წარმოებულ ომს და ჩრდილო კავკასიურ რესპუბლიკებში პუტინის მიერ შეტანილ [არეულობებს](#) მიემართებოდა.¹³

კადროვის ერთგულება და „სიყვარული“ ვლადიმერ პუტინისადმი ცალმხრივი არ არის. მას შემდეგ რაც პუტინმა კადროვს ჩეჩნეთი „ჩააბარა“, მატერიალურადაც და „მორალურადაც“ მუდმივად აძლიერებს მას და მის კლანს. ის თავის პროტექტს აძლევს

⁶ The Economist. 2016. Putin's Chechen enforcer – The alarming world of Ramzan Kadyrov. Via URL: <https://www.economist.com/europe/2016/02/04/putins-chechen-enforcer> (24. 03. 2022).

⁷ The Economist. 2022. Who is Ramzan Kadyrov, the brutal Chechen leader claiming to be in Ukraine? Via URL: <https://www.economist.com/the-economist-explains/2022/03/16/who-is-ramzan-kadyrov-the-brutal-chechen-leader-claiming-to-be-in-ukraine>.

⁸ Foreign Affairs. 2016. More Putin than Putin – Ramzan Kadyrov Tries to Take Center Stage. Via URL: <https://www.foreignaffairs.com/articles/chechnya/2016-02-02/more-putin-putin>.

⁹ The Economist. 2016. Russia and Chechnya – Putin's Chechen enforcer. Via URL: <https://www.economist.com/europe/2016/02/04/putins-chechen-enforcer>.

¹⁰ Foreign Affairs. 2017. The Chechens of Syria – The Meaning of Their Internal Struggle. Via URL: <https://www.foreignaffairs.com/articles/syria/2017-09-07/chechens-syria>.

¹¹ ნემცოვის ადვოკატების მოთხოვნის მიუხედავად, რუსულმა გამოძიებამ ამ მკვლელობაზე არ გამოკითხა რამზან კადროვი.

¹² The Wall Street Journal. 2015. Chechen Leader Kadyrov Receives Award from Putin. Via URL: <https://www.wsj.com/articles/chechen-leader-kadyrov-receives-award-from-putin-1425928666> (28. 03. 2021).

¹³ The Economist. 2015. Russia and Chechnya – The Caucasian connection. Via URL: <https://www.economist.com/europe/2015/03/11/the-caucasian-connection> (29. 03. 2022).

უფლებას უგულებელყოს რუსული კანონები, დაამკვიდროს საკუთარი და დაუსჯელობის სინდრომით შეპყრობილმა, თავისუფლად იცხოვროს. სამაგიეროდ, ყოველ არჩევნებში პუტინი გარანტირებულად, 99%-ით იმარჯვებს ჩეჩნეთის რესპუბლიკაში და მისი მემკვიდრით ახმოვანებს იმას, რის თქმასაც კრემლი ხმამაღლა ერიდება.¹⁴ მაგალითად იმას, რომ ლიბერალები ხალხის მტრები არიან,¹⁵ ხოლო დემოკრატია ქვეყნის არასრულფასოვნების მაჩვენებელია.

კადროვმა ჩეჩნეთი რუსული ავტორიტარიზმის კარიკატურად გადააქცია, იყო დრო, როდესაც რუსეთის პოლიტიკას ჩრდილო კავკასიის მიმართ ჩეჩენიზაციის პროცესს უწოდებდნენ, იგივე ავტორები ამ პოლიტიკას ახლა „კადროვიზაციის“ სახელით¹⁶ მოიხსენიებენ.¹⁷ „კადროვიზაცია“ კი ერთგვარ განაჩენს ჰგავს დამოუკიდებლობისთვის მებრძოლი ხალხებისთვის, რადგან რამზან კადროვმა მოახერხა და ჩეჩნეთის ისტორიის მდინარეა შეცვალა - მან საუკუნეების განმავლობაში, რუსეთის წინააღმდეგ, თავისუფლებისთვის და დამოუკიდებლობისთვის მებრძოლი ქვეყანა, რუსეთისთვის მებრძოლ ქვეყანად გადააქცია.

¹⁴The Economist. 2016. Putin's Chechen enforcer – The alarming world of Ramzan Kadyrov. Via URL: <https://www.economist.com/europe/2016/02/04/putins-chechen-enforcer> (24. 03. 2022).

¹⁵The Economist. 2016. Putin's Chechen enforcer – The alarming world of Ramzan Kadyrov. Via URL: <https://www.economist.com/europe/2016/02/04/putins-chechen-enforcer> (24. 03. 2022).

¹⁶Doukaev, Aslan. 2009. Chechnya's Independence of Sorts. Radio Liberty Europe.

¹⁷Souleimanov, Emil. 2006. Russian Chechnya Policy: “Chechenization” turning into “kadyrovization”? Central Asia-Caucasus Analyst.